

白雲閣藏  
木刻  
版

傷寒雜病論

372448  
(四)

傷寒雜病論卷十三

漢長沙太守南陽張機仲景述

長安黃維翰竹齋校

辨百合狐惑陰陽毒病脈證并治

百合病者百脈一宗悉致其病也意欲食復不能  
食常默默欲卧不能卧欲行不能行飲食或有美  
時或有不欲聞食臭時如寒無寒如熱無熱口苦  
小便赤諸藥不能治得藥則劇吐利如有神靈者  
身形如和其脈微數每溺時頭痛者六十日乃愈  
若溺時頭不痛漸漸然者四十日愈若溺時快然

但頭眩者二十日愈其證或未病而預見或病四五日始見或病至二十日或一月後見者各隨其證依法治之

百合病見於發汗之後者百合知母湯主之

百合知母湯方

百合

七枚

知母

三兩

右二味先以水洗百合漬一宿當白沫出去其水另以泉水二升煮取一升去滓別以泉水二升煮知母取一升去滓後合煎取一升五合分溫再服

百合病見於下之後者百合滑石代赭湯主之

百合滑石代赭湯方

百合

七枚

滑石

三兩碎綿裹

代赭石

如彈丸大一枚碎綿裹

右三味以水先洗煮百合如前法別以泉水二

升煮二味取一升去滓合和重煎取一升五合

分温再服

百合病見於吐之後者百合雞子黃湯主之

百合雞子黃湯方

百合

七枚

雞子黃

一枚

右二味先洗煮百合如前法去滓內雞子黃攪



傷寒雜病論卷之三  
勻頓服之

百合病不經發汗吐下病形如初者百合地黃湯  
主之

百合地黃湯方

百合七枚地黃汁一升

右二味先洗煮百合如上法去滓內地黃汁煎  
取一升五合分溫再服中病勿更服大便當如  
漆

百合病一月不解變成渴者百合洗方主之不差  
栝樓牡蠣散主之

百合洗方

百合一升

右一味以水一斗漬之一宿以洗身洗已食煮

餅勿以鹽鼓也

栝樓牡蠣散方

栝樓根

牡蠣

熬各等分

右二味搗為散白飲和服方寸七日三服

百合病變發熱者百合滑石散主之

百合滑石散方

百合

一兩

滑石

二兩

右二味為散飲服方寸七日三服當微利熱除則止後服

百合病見於陰者以陽法救之見於陽者以陰法救之見陽攻陰復發其汗此為逆見陰攻陽乃復下之此亦為逆

狐惑之為病狀如傷寒默默欲眠目不得閉卧起不安蝕於喉為惑蝕於陰為狐不欲飲食惡聞食臭其面目乍赤乍黑乍白蝕於上部則聲啞甘草瀉心湯主之蝕於下部則咽乾苦參湯洗之蝕於肛者雄黃熏之

甘草瀉心湯方 見太陽病下

苦參湯方

苦參 一斤

右一味以水一斗煮取七升去滓熏洗日三次

雄黃散方

雄黃 一兩

右一味為末筒瓦二枚合之內藥於中以火燒烟向肛熏之

病者脈數無熱微煩默默但欲臥汗出初得之三四日目赤如鳩眼七八日目四眦黑若能食者膿



已成也赤豆當歸散主之

赤豆當歸散方

赤小豆

三升浸令芽出曝乾

當歸

十兩

右二味杵為散漿水服方寸七日三服

陽毒之為病面赤斑斑如錦紋咽喉痛唾膿血五日可治七日不可治升麻鼈甲湯主之

升麻鼈甲湯方

升麻 二兩

蜀椒

去汗一兩

雄黃

半兩研

當歸

一兩

甘草 二兩

鼈甲

炙一片

右六味以水四升煮取一升頓服之不差再服

取汗

陰毒之為病面目青身痛如被杖咽喉痛五日可  
治七日不可治升麻鼈甲湯去雄黃蜀椒主之  
升麻鼈甲去雄黃蜀椒湯方

升麻 二兩 當歸 一兩 甘草 二兩 鼈甲 一片

右四味以水二升煮取一升去滓頓服之不差  
再服

辨瘧病脈證并治

師曰瘧病其脈弦數者熱多寒少其脈弦遲者寒  
多熱少脈弦而小緊者可下之弦遲者可溫之弦

緊者可汗之鍼之灸之浮火者可吐之弦數者風發也當於少陽中求之

問曰瘧病以月一發者當以十五日愈甚者當月盡解如其不差當云何師曰此結為癥瘕必有瘧母急治之宜鼈甲煎丸

鼈甲煎丸方

鼈甲 柴胡 黃芩 大黃 牡丹皮

麤蟲 阿膠

右七味各等分搗篩煉蜜為丸如梧桐子大每服七丸日三服清酒下不能飲者白飲亦可

師曰陰氣孤絕陽氣獨發則熱而少氣煩惋手足  
熱而欲嘔此名瘧瘧白虎加桂枝人參湯主之  
白虎加桂枝人參湯方

知母 六兩 石膏 一斤 甘草 二兩 粳米 二合

桂枝 三兩 人參 三兩

右六味以水一斗煮米熟湯成去滓溫服一升

日三服

瘧病其脈如平身無寒但熱骨節疼煩時作嘔此  
名溫瘧宜白虎加桂枝湯

白虎加桂枝湯



即前方去人參一味

瘡病多寒或但寒不熱者此名牡瘡蜀漆散主之  
柴胡桂薑湯亦主之

### 蜀漆散方

蜀漆

洗去腥

雲母

燒二日夜

龍骨

各等分

右三味杵為散末發前以漿水和服半錢匕

柴胡桂薑湯方

見太陽病下

辨血痺虛勞病脈證并治

問曰血痺之病從何得之師曰夫尊榮之人骨弱  
肌膚盛重因疲勞汗出卧不時動搖加被微風遂

得之但以脈寸口微潛關上小緊宜鍼引陽氣令脈和緊去則愈

血痺陰陽俱微或寸口關上微尺中小緊外證身體不仁如風痺狀黃耆桂枝五物湯主之

黃耆桂枝五物湯方

黃耆 三兩 桂枝 三兩 芍藥 三兩 生薑 六兩

大棗 十二枚

右五味以水六升煮取二升溫服七合日三服

男子平人脈大為勞極虛亦為勞

男子面色薄者主渴及亡血卒喘悸脈浮者裏虛

也

男子脈虛沉弦無寒熱短氣裏急小便不利面色  
白時目瞑兼衄少腹滿此為勞使之然

勞之為病其脈浮大手足煩春夏劇秋冬差陰寒  
精自出瘦削不能行

男子脈浮弱澹為無子精氣清冷

失精家少陰脈弦急陰頭寒目眩髮落脈極虛芤  
遲者為清穀亡血失精脈得諸芤動微緊者男子  
則失精女子則夢交桂枝龍骨牡蠣湯主之天雄  
散亦主之

桂枝龍骨牡蠣湯方

桂枝 三兩 芍藥 三兩 甘草 二兩 生薑 三兩

大棗 十二枚 龍骨 三兩 牡蠣 三兩

右七味以水七升煮取三升去滓分温三服

天雄散方

天雄 三兩 白朮 八兩 桂枝 六兩 龍骨 三兩

右四味杵為散酒服半錢七日三服不知稍增

以知為度

男子平人脈虛弱細微者喜盜汗也

人年五六十其脈大者病痺俠背行若腸鳴馬刀



挾癭者皆為勞得之也其脈小沉遲者病脫氣疾  
行則喘喝手足逆寒者亦勞之為病也

虛勞裏急悸衄腹中痛夢失精四肢痠疼手足煩  
熱咽乾口燥者小建中湯主之

小建中湯方見太陽病中

虛勞裏急諸不足者黃耆建中湯主之

黃耆建中湯方

即小建中湯內加黃耆一兩半煎服法同

氣短胸滿者加生薑一兩腹滿者去大棗加茯  
苓一兩半大便秘結者去大棗加枳實一兩半